

历年祭孔大典祭文①

甲申(2004)年祭孔大典祭文

杨佐仁

维公元2004年9月28日，岁在甲申，节届中秋，先师孔子诞辰2555年，曲阜各界代表、海内外宾朋、孔子后裔，肃立大成殿前，谨以鲜花雅乐，恭祭先师孔子。文曰：

文圣吾祖，恩泽海宇。千古巨人，万世先师。欣逢盛世，物阜民熙。高岸秀木，惟恐失序。居安思危，重振纲纪。以德治国，德法兼济。幸赖圣儒，万代垂仪。道贯古今，德侔天地。杏坛春晖，泮池桃李。三坟五典，六经古籍。薪火传承，百代不熄。而今吾辈，见贤思齐。任重道远，弘扬承继。依仁志道，据德游艺。仁为已任，见利思义。中和至德，过犹不及。和协万邦，摒弃暴戾。刚健有为，自强不息。与时偕进，创新活力。清风遍拂，神州万里。群情振奋，勃发骐骥。文化名城，通衢如砥。碧树花团，芬苾争奇。百业兴隆，日新月异。近悦远来，治平修齐。老养壮用，兆民甘饴。儒风犹在，先圣故里。慎终追远，奋吾国臂。继往开来，同德凝聚。东方巨龙，吼啸腾起。四海擎天，有吾一臂。长鲸吞吐，丹凤鼓翼。揽月追日，神舟环宇。告慰先祖，盛世在即。大同世界，四海兄弟。世界和平，假年可期！伏惟尚飨，为祷为祈！

丁亥(2007)年祭孔大典祭文

杨佐仁

清风送爽，海晏河清。国泰民安，举国欢腾。时逢中华文化先祖孔子诞辰2558周年，海内外宾朋，世界各地华人华侨，港澳台同胞，谨备鲜花礼乐，肃立于曲阜孔庙大成殿前，恭祭孔子诞辰。其文曰：

海右山东，岱南奎星。圣诞吉日，鼓乐奏鸣。黄河讴歌，泰山挺松。飞泉漱液，嘉卉吐红。日月增光，齐鲁夸荣。西振河源，东澹海瀛。北动玄土，南耀朱岭。环球华裔，颀首隆庆。侨胞同胞，根连脉通。亚非欧美，百校名孔。奥林匹克，喜临京城。五洲四海，睹我雄风。大同非梦，人类有情。圣哲先导，万邦风从。我辈协力，盛世太平。风发飘扬，霖拂云中。天地人和，万物繁盛。与时偕进，和谐化生。天和雨顺，地和物丰。家和事兴，国和人定。仁者爱人，和而不同。忠孝首善，修齐治平。为政以德，气正风清。见利思义，躬行自省。政通人和，德道常青。农工商旅，百业同兴。教科文卫，人本民生。生态环保，天人一行。原隰郁茂，映淡流清。芳草绿堤，粳谷盈丰。城如蜃楼，货殖纵横。翰墨奋藻，学子书英。大国崛起，自强不陵。一飞冲天，华夏振兴。励精图治，众志成城。万代功业，待我后生！伏惟尚飨！

乙酉(2005)年祭孔大典祭文

杨佐仁

维公元二00五年九月二十八日，岁次乙酉，孔子诞辰两千五百五十六年，曲阜市各界人士、海内外宾朋、孔子后裔，满怀崇敬之情，谨备鲜花雅乐，恭祭我中华先师。其文曰：

海右山东，岱南奎星。垣墙环抱，岸柳梳拢。玉树攀云，紫叶吟虹。水含苔浦，草铺莺鸣。歌动八垠，舞牵九瀛。全球祭孔，五洲同风。设奖开坛，薪火传承。春秋绝笔，诗礼趋庭。植桧葳蕤，宅井鸿蒙。高山景行，杏坛筵盈。文脉赓延，海域再兴。百所学院，有孔命名。千年儒流，今古汇通。天人合一，与时偕行。仁者爱人，和而不同。阴阳和谐，执两用中。和生万物，万物和兴。天道和运，地势和行。家和睦睦，世界和平。圣城曲阜，物阜文丰。华夏标志，百里新城。政通人和，德道常青。小康初成，大同在梦。欣逢盛世，强国威风。宝岛盼归，华夏一统。旭日中天，巨龙飞腾。鲲鹏碧海，鹏登蟾宫。四海翘首，八方叹惊。继往开来，待我后生！伏惟尚飨！

戊子(2008)年祭孔大典祭文

金庸

岁在戊子，节届国庆，时逢中华文化先祖孔子诞辰2559年，海内外宾朋，港澳台同胞，世界各地华人华侨，谨备鲜花礼乐，肃立于济宁市曲阜孔庙大成殿前，恭祭夫子诞辰，文曰：

清风送爽，海晏河清。国泰民安，举世欢腾。北京奥运，万邦风从。五洲四海，睹我雄风。世界同运，人类一梦。中华崛起，国和人定。为政以德，气正风清。有教无类，修齐治平。国之将兴，听命于民。博我以文，删正六经。述而不作，信而好古，为之不厌，不倦诲人。今我立国，秉承遗教：忠孝首善，礼法持恒，中道不倚，和恕宽容，以和为贵，华夏一统，万邦和谐，世界和平。盛世再现，小康初成。见利思义，仁为已任，中和至德，自强不息。生态环保，天人一行。夫子圣教，百代维新。孜孜不懈，永秉传承。伏惟尚飨！

丙戌(2006)年祭孔大典祭文

杨佐仁

岁在丙戌，节届仲秋，先师诞辰，二五五七，曲阜人民，孔子后裔，两岸同胞，四海宾朋，大成殿前，肃穆祭孔。文曰：

洙泗流带，沃野万壑。尼峰滴翠，回峰千重。白云舒卧，紫霞纵横。红缠杏坛，绿掩碑亭。古城墟堞，圣庙龙腾。诞圣吉日，鼓乐奏鸣。嘉卉六醴，果饼三牲。童子俎豆，耄耋礼容。同根一脉，两岸祭孔。共缅先师，追远慎终。志道据德，心正意诚。节用爱民，修齐治平。为政北辰，身正令行。见利思义，后凋寒松。近悦远来，躬身自省。博文约礼，弘毅任重。已所不欲，勿施于人。仁义宅居，诚信勿衡。忠孝首善，礼法持恒。中道不倚，恕道宽容。以和为贵，华夏一统。乾坤氤氲，和谐化生。天和雨行，地和物丰。家和事兴，国和人定。万邦和谐，世界和平。遗训在耳，发聩振聋。高山仰止，桴海道兴。联合国奖，以孔命名。亘古首屈，文教巅峰。百所学院，遍及九瀛。黄发碧目，学在泮宫。五洲四海，章甫诵经。赞誉远播，天下服膺。故里乡亲，蹈德践行。幼学长教，老养壮用。诚信工商，让畔桑农。居如图藻，行掣电风。盛世再现，小康初成。天袍击鼓，海铍震庭。河山舞袂，日月霓虹。龙颯鳞爪，凤翥翼翮。魂兮归来，又梦大同。伏惟尚飨！

己丑(2009)年祭孔大典祭文

范曾

周室颓瀛，礼乐废弛，九州失驭。战伐出于诸侯，列国窥窃神器。春秋之末，仲尼起于陬邑，感万方之多难，乃驰驱以宣教。冀辅弼于乱世，欲敦厉于黎庶。然则官寝邃远，王者不悟。有楚狂接舆歌而过之，痛骂凤德之衰，切悲庙堂之殆。往者不谏，来者可追，孔子乃归鲁，不复出游。述而不作，非谓徒托空言，追往事，思来者，悬明镜而作《春秋》，立极则以昭万代。凤鸟不至，河图不出，忧古道之不彰也；久矣吾不复梦见周公，伤往哲之益远也。遂力倡仁恕中和之道，克己复礼之德。

播雨杏坛，天下士赴之如万类之附麟凤。若颜渊、子路、公冶长、有子、子张、子贡、曾子七十二贤列坐其次，三千弟子，相望于道。仲尼自云：吾少也贱，故多能鄙事。乃谆谆以告诸君子，知任重而道远，期弘毅以自励。世幽昧以炫耀，独好古而敏求。视富贵如浮云，思贤若渴，闻义即徙。不降其志，不辱其身。夫子者，其集微子、箕子、比干之懿德嘉行于一身者也。世人以夫子为木铎，非无由也。颜渊喟然而叹曰：“仰之弥高，钻之弥坚，瞻之在前，忽焉在后”，是高弟子之敬仰，亦足为万代所共祀者也。荆玉含宝，幽兰怀馨，此孔学之无尽藏也。

延越百余载，孟子起于邹而倡义，与孔子之倡仁相辅佐。又越三百载，汉武独崇儒术，乃有毛亨、郑玄之辈为之诠，董仲舒之属演其说。再越千二百年，南宋理宗朝濂、洛、关、闽之学，勉心景迹，遂成大观，共祭诸孔庙。更越千载，日月虽远，诵说犹馨，百川竞乎孔子之门庭，孔学之克守，于今愈胜。孔子学院，遍列全球，蔚为人类文化之奇观。

世变事异，而孔学不衰者，以“仁者爱人”、“先欲达人”为尾勉天下之襟抱；“己所不欲，勿施于人”则厚望瀛海以高节。唯和衷以共济，讲信而修睦。此足称万国邦交之极则，亦各族和谐之宏观。遗训虽远，践行在迹，岁寒松柏，历千万龄而不凋，其非孔子博怀之远猷，而周瞻之大略欤？

巍巍陵寝，郁郁巨柏，云霄万古，黛色参天。仰瞻烟霞，伏增肃敬，焚香再拜，赋以永祷。